

ժանն էր արդարութեան՝ պատուով և մեծարանօք, որոյ վասն ածին 'ի վերայ իւրեանց զչնորհս, և առին զհրովարտակս վասն եկեղեցւոյն Գողգոթայի, ժառանգել զայն անկախ յումեքէ : Գրեալ 'ի ՎՕՐէպիլ ակսր ամսոյ, ԱՃՀ (1440) : Երրորդ հրովարտակ՝ դարձեալ 'ի նոյն Մէլիք Զահր Զագմագէ, գրեալ առ ամենայն գործակալս Երուսաղէմի, իմաստն է . եթէ « Հաստատեցէք զեկեղեցական թաղաւորին Վրաց յեկեղեցին Գողգոթայի 'ի տաճարին Ս . Յարութեան, և հրամայեցէք բանալ նոցա զդուռն հարաւային, յորմէ գիւրութիւն ունին նոքա, և արդելլիք զՀայս և զԼատինս չհակառակիլ վասն այնր, զի կատարեալ յանձնեցի նոցա » : Գրեալ 'ի ՎԿ Մուհարրէմ ամսոյ, ԱՃԿ (1439) :

Յետ ընթերցման հրովարտակացս այսոցիկ, եհարց նախարարն ցժողովեալսն Լատինաց, և նոքա ասեն՝ հարաւային կողմն Գողգոթային, սեփհական է մեզ և մեք տիրեալ եմք նմա . եւ մատուցին հանրագիր ինչ 'ի դատարանէ, իմաստն է . Գողգոթայ կոչեցեալ տեղին, և հարաւային խորանն, մին յերկի խորանաց, սեփհական է ազգին Լատինաց, որք բնակին 'ի վանս Սիոնի արտաքոյ քաղաքին, ուր կատարեն զպաշտամունս իւրեանց 'ի սկզբանէ մինչեւ ցայսօր . և տիրեալ են տեղւոյն և խորանին յանուն ազգի իւրեանց յազգէ յազգ . չէ օրէն ումեք հակառակիլ ոչ սեղանոյն եւ ոչ պատարագին : Գրեալ 'ի ՎՂ Զիւրիճճէ ամսոյ, ԱԼԴ (1481) (') : Հաստատեալ 'ի Շէմսէտտին դատաւորէն Երուսաղէմի եւ 'ի մեծամեծաց : Յաւելին Լատինք ասել . որովհետեւ ունիմք 'ի ձեռս մեր զայսպիսի մուրհակս, 'ի վկայութիւն սեփհականութեան Լատինաց, եւ տիրեալ եմք նմա . անհնար է մեզ կարճել զձեռս մեր 'ի տեղւոյն յայնմանէ : Իսկ կուսակալն և մեծամեծք այլազգեաց զայս ամենայն քննութիւնս պարագայիւք գրեալ ծանուցին Սուլթանին . յԿ Ճէմազիլ ակսր ամսոյ, ՂՂԸ (1512) : Զայս դատաստանական քննութիւն գրեալ յետկարի 'ի նմին ժամանակի, և սկսեալ ամբողջ 'ի կարգս գրոց Ս . Աթուոյս, և առանց խորչելոյ յերկա-

(') Լատինք սոյն դատարանի գրով միայն ժառանգեալ են զտեղին զոյն, և Վլիքը ոչ կարացին հանել զնոսա անտի :